



UKA 2017/112
Nuuk, 16.10.2017
Iddimanggiu Bianco

Naalackersuisut UKA 2018 sioqqullugu Danskit Inatsiseqarnikkut naalackersuisoqarfiannut saaffiginnissasoq nunaqarfinni tamani kommuneqarfoged-eqalernissaannik suleriaasissamik siunnersuusiortoqarnissaa anguniarlugu Inatsisartut aalajangiiffissaattut siunnersuut.

(Inatsisartunut ilaasortaq Debora Kleist, Inuit Ataqatigiit)

Siullermik Debora Kleist siunnersuutaanut qujanarujussuaq. Kommunefogedeqarneq eqqartugassaq pingaaruteqarluinnartuuvoq, ullumikkullu killiffimmut iliuuseqarnissamut pingaaruteqarluinnartunik peqqutissaqarluarpugut.

Nalunngilarpummi ullutsinni 2017-imi atugassarititaasut naammangilluinnartuusut. Taamaattumik akisussaasuusut akisussaaqataasugullu tassa Naalagaaffiup akisussaanera Inatsisartuniit nipituuliutigisassatut suliniutitut sakkortuumik tigusariaqarparput.

MIO oqariartuutigisartagai aamma nunaqarfinni atugassarititaasut ilungersunarluinnartut eqqaasareerpai, tamannalu aamma kommuneqarfoged-eqarnermut peqqutaataalluinnartuusut taasariaqarpoq. Oqarsinnaavugut annerpaamik illersugassagut meeqqat toqqissillutik nunaqarfinni peroriartorsinnaanissaat qulakkiigassatta annersaraat, taamaattumik kommuneqarfoged-eqarnissaannik qulakkeerinninnissaq pingaaruteqarluinnarpoq.

Inuit toqqissillutik inuusinnaanissaat anguniagassaq akisussaaffittut tamattaalluta tigusariaqarparput, aamma taamaalluinnagqissaarpoq inoqarfinni tamani tamassuma qulakkeernissaa.

Taamaattumik Inuit Ataqatigiinniik naalackersuisut suliniutitut taasaa tassaasoq kommuneqarfoged-it atugaasa pitsangorsarneqarnissaa anguniagaasut ilagigaat qujassutigaarput.

Tassuuna qulakkeerniagassat annertuut peqataaffigerusoqaagut, soorlu;

- Nunaqarfinni kommuneqarfoged-eqanngitsuni inuttaliinissaq, ilaannilu kommuneqarfoged-inik ataasiinnarmik inuttaqartussaannngitsunut inuttaleeqqinnerit.
- Isertitsiveqanngitsortaat isertitsivittaarnissaannut nutaanut atoqqiinnikkulluunniit aaqinneqarsinnaasunut.
- Ilinniartitaanikkut/pikkorissaanikkut kommuneqarfoged-it atugaannik pitsangorsaanerit
- Allallu iliuuserineqarsinnaasut pitsangorsaannissamut siunertalimmut.

Taamatut oqaaseqarluta qujaffigeqqikkusupparput Debora siunnersuummik saqqummiisoq, siunnersuut akueraarput.

Qujanaq